

УДК: 81 1. 512. 145

КЪЫРЫМТАТАР ТИЛИНДЕ ЗАРФЛАРНЫНЪ ДЖУМЛЕДЕКИ ВАЗИФЕЛЕРИ

Аджимамбетова Г. Ш.

РВУЗ «Крымский инженерно-педагогический университет»

Синтаксические функции наречия вытекают из его семантики. В предложении адвербы вступают в зависимую связь с глаголом и именем прилагательным. Сочетаясь с глаголом, они выполняют функции: а) различных обстоятельственных членов предложения, б) приглагольного определения. В сочетании с прилагательными роль члена предложения у наречия значительно слабее, поэтому оно не является отдельным членом предложения, а служит для усиления или ослабления значения определения.

В синтаксическом плане крымскотатарские наречия характеризуются тем, что их главная синтаксическая функция – обстоятельство (времени, места, цели, причины, образа действия, меры и степени). Кроме того, они могут выступать и в роли других членов предложения, в частности в роли определения, дополнения, в составе сказуемого.

Обстоятельства образа действия часто выражаются наречиями действия, среди которых могут быть как производные, так и непроизводные наречия. Из проанализированных примеров можно сделать вывод, что в функции обстоятельства образа действия чаще используются производные наречия, чем непроизводные.

Характеризуя действие в количественном отношении, наречия в предложении играют роль обстоятельства меры. Обстоятельство места, выраженное наречием, указывающим на направление к какой-либо точке.

Темпоральные обстоятельства показывают, что признак действия связан с определённым моментом времени. Они чаще поясняют глагольное сказуемое, так как временные характеристики составляют грамматическое значение глагола, но могут относиться и к именному сказуемому.

Обстоятельства, характеризующие действие с точки зрения целенаправленности, могут быть выражены наречиями цели.

Наречия причины в предложении являются обстоятельствами причины, подчёркивая основание, в силу которого протекает или происходит действие.

Ключевые слова: тюркские языки, крымскотатарский язык, наречие, лексико-грамматические особенности, члены предложения, синтаксические функции.

Ишнинъ макъсады: къырымтатар тилинде зарфларнынъ синтактик хусусиетлерини ачыкъламакъ.

Зарфларнынъ синтактик хусусиетлери онынъ семантикасындан келе. Зарфлар джумледе фииль ве сыфатларнен багъланып келелер. Фиильнен багълангъанда олар а) чешил ал джумле азаларыны, б) фииль алямети (айырыджы) функцияларны билдирелер.

Сыфатларнен багълангъанда зарфларнынъ джумле аза ролю азлаша. Онынъ ичюн джумле аза киби айырылмай. О тек айырыджынынъ манасыны азлаштыра, я да къуветлендирте [3, 138].

Айырыджы, тамамлайджы, хабер функциясында олгъан зарфлар.

Зарфлар эсасен джумледе ал функциясында ишлетиле. Амма бунен онынъ функциясы сынъырланмай. Олар дигер джумле азасы да ола билелер, яни хабер теркибинде айырыджы, татамлайджы. Бу ерде олар предикатив косътергичлерни къабул этелер: Талелелернинъ эписи **мындамы?** Бабанъ **бу ердеми?**

Зарфларнынъ ери де денъише. Хабер киби джумленинъ сонъунда келе.

Кимерде хабер-зарфларнынъ предикативлик костергичлери олмаз:

Акъыллы эр вакъыт **огде**. Саат десенъ де **еринде**. Сен **анда** – мен **мында**. Акъыллы экенсинъ, айткъанынъ **догъру** [8, 100]. Сизде эр шей **аксинне** [8, 110]. Лякин оларны огренмек **кучь** [6, 127]. Койде адам **пек аз** [8, 85].

Вакъытны косътермек ичюн хаберлерде **эди** ярдымджы фииль ве **экен, эмиш** модалъ сёзлер ишлетиле биле. Меселя: **чокъ эди**. Одларда адам **чокъ эди;**

чокъ экен. Багъчада джеviz **чокъ экен, чокъ эдилер**. Базар ичиндеки чайханеде Темирбекнинъ таныш-билишлери **чокъ эдилер**.

Менфий шекильде кельген зарф-хаберлер **дегиль** менфий дереджеликтен багълана: огълан **анда дегиль эди**. Тапкъанынъ джойсанъ **языкъ дегиль**.

Кимер зарф шекиллери, сыфат сёз чешитине кечип (конверсия олып), предметнинъ аляметини бильдирелер ве айырыджы функциясыны беджерелер:

чокъ агълама. **Аз** одун кетирдинъ.

Къырымтатар тилинде тамамлайджы зарфлар аз расткелелер. Субстантивация олып, зарфлар тамамлайджы ролюнде ишлетиле. Олар келиш аффикслерни къабул этелер: **Бугунни** къоюнъыз да, **ярынгъысыны** ойланынъыз.

Берильген джумлелерде коремиз, зарфлар хабер теркибинде айырыджы, тамамлайджы функцияларында ишлете билелер.

Зарфлар иш-арекетнинъ аляметини бильдирелер ве олар иза еткен сёзнинъ огюнде ерлешир. Эсасен зарфлар фиильни иза етелер.

Бу меселелерни джумлелерде бакъайыкъ. Бу чешитлери энъ чокъ расткеле. Не ичюн зарфлар фииллерге бойле ер айыра экен? Биринджиден, джумледе энъ чокъ расткельген функция бу ал функциясыдыр. Алнынъ функциясы иш-арекетни конкретлештирмек, онынъ ерини, выкътыны, шартыны, алыны косътермек. Амма иш-арекетни бильдирмейлер [4, 341].

Бираз вакъыттан сонъ нефес ала башлады, **къайта-къайта** эснеси [5, 161]. Бутюн полк **джесюрдже** курешти [5, 175]. Анифе битайны мен **сюфте** корьдим [5, 198].

Зарфларнынъ экинджи синтактик хусусиети бу сыра багъланен дигер сёз чешитлеринен багълануву.

Эсасен олар фииллерге багъланалар: **Яхшы** чалыштырынъыз, къурсагъы семсин.

- зарф исимлернен багъланыр: Биз **анда мектепте** турдыкъ. Керекмей, **якъын-да эвде** ичип чыкътыкъ [6, 106].

- зарф шахыс фиилернен багъланувы: Мустафа агъам **къатты юкълады** [8, 160]. Сен **ботен агълайсынъ**. Бир-биримизни **яшлыкътан** бильсекте... О шей эсиме **энди тюшти**.

- сыфатфиилернен бирикюви: **Узакъта тургъан** къыз меним аптем эди. Балабанов цех ёлбашчыларыны **яхшы тызыкътыргъан** сонъ, ишини битти сая [7, 171]. Энвер **саба** тургъан сонъ, геджедеки вакъианы хатырлады.

- алфиилернен бирикюви: **Бу ерде отурып**, джеvizли лакъша ашады [6, 53]. Саат онда чыкъып кете, бешлерде **зар-зорнен къайтып** келе [7, 171].

- исимфиилернен бирикюви: китапны **яваштан окъумагъа** башлады. Энди эписини **енъиден башламакъ** керек оладжакъ [6, 121].

- зарфларгъа конверсия олып кечкен сыфатлар исимлернен багъланмакъ мумкюн: Мейданда **чокъ адам** топланды.

- сыфатларнен багълана, бу ерде аляметини кучлендире: **чокъ кучлю** олгъаны ичюн ...

- зарфларнен: Мелек апте исе **салъте терс** тыраш эте [7, 162]. Токътаргъазы башыны **енъигильден онъгъа-солгъа** къакъытты [6, 105].

Къырымтатар тилинде джумледе эки вакъыт зарфлары ян-янаша келип, бириси умумий мананы, дигери исе конкрет мананы ифаделей. Я да вакъыт зарфы ер зарфынен ишлетиле.

: **Экинджи куню саба** зияде сандыракълады [7, 160]. **Акъшам аш вакътында** мен Эсманен къаршы-къаршыгъа отураджагъым [7, 86]. **Ярын... уйледен сонъ** келирсинъиз [6, 202].

- зарфлар замирлернен бирикюви: **Бугунъ биз** мусафирликке бардыкъ. **Бир заман** манъа да мавы дуракъта корюнди дюнья.

Бойле этип зарфлар исимлернен, фиилернен, сыфатфиилернен, исимфиилернен, сыфатларнен, зарфларнен бирикип келелер.

Ишимизни бакъкъан сонъ бойле нетиджеге кельдик: фиилернен выкъыт зарфлары, ер зарфларына коре, даа чокъ бирикип келе.

Эгер джумледе бир къач зарф ишлетильсе, биринджи вакъыт ве ер зарфлары ишлетилир, сонъра исе дигерлери келир:

Шу куню акъшам устю Али къартбабанынъ торуны Энвер чельге якъарлыкъ топламагъа чыкъты [8, 185].

Бойле джумлелерде зарфлар бир сёзге дегиль де олар джумледе кечкен иш-арекетнинъ вакъыт ве ерини бильдирелер.

Тарз алы функциясында ишлетильген зарфлар

Джумледе тарз аллары эсасен арекет бильдирген зарфларнен ифаделенелер. Оларнынъ арасында эм асыл, эм япма зарфлар расткеле. Бакъылып чыкъкъан джумлелерден корюне ки, тарз алы функциясында япма зарфлар, асыл зарфларгъа коре, чокъ ишлетилир.

Зарфларнен ифаделенген тарз аллары бойле аляметлерини бильдирелер:

- иш-арекетнинъ кейфие (качественную) характеристикасыны:

Рус тилини **мукеммель** бильсем, мен де окъутыр эдим [6, 107]. **Темелли** кельдинъми? [6, 110]. Нечюндир акъшамгъа таба о **яхшыджа** ишлей эди.

- иш-арекетнинъ косьтерюв (проявления) дереджеси: *Чалт* окъуй. *Бутюнлейин* битирмеге истейлер. Энди *аджеле-аджеле* келип кетмек [6, 181]. Дефтерни къолтугъына къысты, *бирден* токъталды [6, 135].

- иш-арекетнинъ япылув усулы: Талелелер *бирге* кирдилер. Абдурешид Медиевни *бир агъыздан* шеэр управасынынъ гъалавасы сайладылар [6, 147]. Не олгъан *бедава* гъайып олмадылар!

- тарз алы вазифесинде ишлетильген зарфлар. Олар иш-арекет не олсада япыладжакъ олгъаныны косьтерелер. *насыл* зарфы ишлетиле: *Насыл олса да* бу китапны сенден алмагъа керек. *Эп бир* къайтып кельди [6, 165].

- тарз алы вазифесинде ишленильген зарфлар иш-арекетнинъ сырасыны косьтере: *невбет-невбет*. Репетициялар *невбет-невбет*, оджаларнынъ эвинде олды [6, 180].

- тарз алы вазифесинде ишлетильген зарфлар мунасебетчилернен бирикип келе: Эм де унутмай айт: *вакътындан эвель* атылып чыкъмасын. *Сонъки кере* сорайым, анълайсынъмы? Олар *чокътан берли* чалышалар, – мен машинагъа *бу йыл сюфти* миндим [7, 110]. Сачлары *сол якътан сагъ тарафкъа* таралгъан [6, 137].

Иш-арекетнинъ дередже ве олъчю функциясында ишлетильген зарфлар

Иш-арекетни микъдар тарафындан косьтергенде зарфлар джумледе олъчю алыны бильдирелер. Бу маналар бойле зарфларнен ифаделенир:

аз зарфы: Огъланны *аз* коре [6, 168].

чокъ зарфы: *Чокъ* корьген, *чокъ* билир [аталар сёзлери].

бираз зарфы: Ишке киришмезден эвель *бираз* къапынайыкъ [8, 91].

баягъы зарфы: Албуки вакъыт *баягъы* олгъан [6, 176].

аз бучукъ зарфы: Даянынъыз *аз бучукъ*, Бори агъа [8, 99].

Аз, чокъ зарфлары диген сёзлернен де бирикип келелер ве олъчюни ифаделейлер: *аз олса да: Аз олса да* кетиринъиз.

Иш-арекетнинъ дереджеси текрарлавыны анълаткъан зарфларнен ифаделенмек мумкюн:

янындан: янындан ялмакъ; къайтабаштан: къайтабаштан къурмакъ;

текрар-текрар, бир даа, къач керелер: Къач керелер шиир язувны быракъмакъ ичюн теубе эттим [6, 107]; *кене*. Оджа гизлиден *кене* бакъты [6, 135]; *вира*: Хызметчи отура... озю *вира* тютюн иче [6, 136].

Зарфлар *микъдарда* сёзюнен бирикип келе: *аз микъдарда, чокъ микъдарда, чокъ дефа*: Ничюндир *пек аз микъдарда* нешир этильди [6, 131]. *Эп бир* айтмам. (сынъырланув манасы бар).

Ер алы функциясында ишлетильген зарфлар

Зарфнен ифаделенген ер алы бир де бир тарафкъа ёнелишни бельгилей: *солгъа, оньгъа, тёпеге, арткъа, огге, алдгъа-арткъа, ичериге*.

Ал иш-арекетнинъ япылув ерини конкретлештирмек мумкюн: *анда, мында, къаршысында, солда, ичериде, бу якъта, алчакъта, юксекте, алдында, артында, тютте*.

Зарфнен ифаделенген ер алы япылгъан иш-арекетнинъ ерини ифаделей: *узакътан, андан, мындан, усттен, асттан, тёпеден, теренден, юкъарыдан*;

Пакъыл киби, къапу ачылды, *ичериден* эсли киши чыкъты [6, 135]. Мусафир *узакътан* кельди. Яшлар *андан, мындан* топланды. Таш *тёпеден* тюшти.

Зарфнен ифаделенген ер алы арекетнинъ бельгисиз ерини ифаделей: *бир ерден, ким биле къайда, къайдадыр, бир ерде, бир де бир якъкъа*. Токътап турмакъ мумкюн дегиль... *бир де бир якъкъа* юрмек керек [6, 106].

Вакъыт алы функциясында ишлетильген зарфлар

Вакъыт аллары арекетнинъ алямети айры бир вакъытынен багълы олгъаныны косътере. Олар эсасен фииль-хаберлерни изалайлар. *Бугунь, бу заман, бу вакъыт, шимди, шу анде, шу вакъытта, яньчыкъ*: *Яньчыкъ* юкълагъан эдилер [6, 169]. Башы багълы адам *бу дефа* чай ичмекте [8, 90].

- Вакъыт аллары арекетнинъ конкрет вакъытыны я да алыны анълаталар. Бу ерде вакъытыны анълаткъан зарфларны ишлетелер: *куньдюз, акъшам, сабалайын, эртен, таньда, кузьде, язда, къышта, тюневин акъшам, кечь маальде*: *Тюневин акъшам* Феми эфенди эвге *кечь маальде*, нешэли алда кельди [6, 77].

- Арекетнинъ япылувы белли олгъан иштен эвель олып кечкенини ифаделей: *тюневин, о кунь, эвель, башталары, яшлыкъта, бир вакъыт, бир заман, былтыр, якъында*.

- Арекетнинъ вакъыты дигер арекеттен сонъ олувыны косътерер: *ярын, сонъ, келеджекте, бираз вакъыттан сонъ, экинджи куню, илериде, бурскюнъ*.

- Вакъыт алы арекетнинъ чокъ олгъаны, я да аз текрарланувыны костерер: *кимерде, сийрек, вакъыт-вакъыт, ара-сыра, кимерде бир, сыкъ, тосат-тосат*.

- Вакъыт алы арекетнинъ девамлыгъыны анълатыр: *омюр билля*. Сув *омюр билля* сакъанен котериле эди [6, 147].

чокъ йыллардан берли, чокъ вакъытлардан берли, сабадан акъшамгъадже, уйледен акъшамгъаджа.

- Вакъыт алы арекетнинъ бир вакъыт олмагъаныны анълата билер: *ич къачан, ич бир вакъыт*: *Ич бир вакъыт* ёкъ деме.

Макъсат алы функциясында ишлетильген зарфлар

Иш-арекетни, бир-де бир макъсатнен япылгъаныны бильдирген аллар макъсат зарфларынен ифаделене билерлер: *аселет, энъкъастан, махсус, нафиле*. Баба баланынъ пармагъыны агъызына къапты, *энъкъастан* тишлеген олды [6, 122]. Шисени *махсус* сындырды.

Эсасен макъсат мунасебетлери бир субъект ве бир объектни назарда туталар. S – макъсат – Д

‘Мен *энъкъастан* джыгъылсам къавгъа чыкъа.

Субъект истегенине коре, иш-арекет махсус япылы: Сейяр *аселет* бизден къачып кеткен беллемесинлер.

Кимер сёзлернинъ лексик манасында иш-арекетнинъ конкрет макъсат манасыны коре билемиз: *пахыл киби*. Дигер сёзлерде исе бу компонент имплицит шекильде олур: Викагъа исе *аселет* эки-учь кунь корюнмез.

Себеп алы функциясында ишлетильген зарфлар

Себеп зарфлары джумледе себеп алы олып келелер. Себеп алы иш-арекетнинъ не себептен олувыны ве япылувыны косътере: *чаресизликтен, медарсызлыкътан*,

ойланмастан, меджбурен, аньсызлыкътан. Бу инсан *чаресизликтен* агълай. *Меджбурен* ишни къалдырды.

Бу категория – логик категориясыдыр, чюнки компонентлернинъ арасында багъ логик мунасебет иле япыла. Бу анълам эки тарафлы олгъаныны козь огюнде тута: себеп ве нетидже. Джумледе бойле корюниши ола билир:

Д¹ – сёз, сёз шекли, себеп манасыны ташыгъан предикатив бирлем, Д², →

Д² иш-арекетнинъ (Д¹), нетиджеси олур. Иш-арекетнинъ субъекти айны олмакъ мумкюн. Меселя: *Ойланмастан* эр шейни айтып берди.

(Д²) Айтып берди, чюнки (Д¹) ойланмады.

Къырымтатар тилинде себеп ве макъсат зарфлары сонъуна къадар даа шекиленмедиле. Буларны зарфларнынъ чокъ олмагъанында, сынъырлары конкрет дегиль.

Нетидже. Бойле этип, зарфлар джумледе чешит синтактик функцияларыны беджере билирлер. Зарфларнынъ эсас синтактик функциясы – вакъыт, ер, макъсат, себеп, тарз, микъдар алыдыр. Амма джумледе зарфларнынъ функциясы тек ал функциясы дегильдир. Зарфлар джумледе хабер теркибинде айырылды, тамамлайды функциясыны да беджерелер.

Эдебият:

1. Дмитриев Н. К. Исследования по сравнительной грамматике тюркских языков. Морфология / Н. К. Дмитриев. – М. : Изд-во Вост. литературы, 1955. – 336 с.
2. Лингвистический энциклопедический словарь / гл. ред. Н. Н. Ярцева. – М. : Большая Российская энциклопедия, 2002. – 709 с.
3. Меметов А. М. Крымтатарский язык. Морфология / А. М. Меметов, К. Мусаев. – Симферополь: Учебно-педагогическое издательство, 2003. – 288 с.
4. Мещанинов И. И. Члены предложения и части речи / И. И. Мещанинов. – Л. : Наука. Ленинградское отделение, 1978. – 387 с.
5. Абдураман Иса. Октябрь ёлунен / И. Абдураман. – Ташкент: Гъафур Гъулям адына эдебият ве санъат нешрияты, 1968. – 420 с.
6. Алядин Шамиль. Иблисинъ зияфетине давет / Ш. Алядин. – Ташкент: Эдебият ве санъат нешрияты, 1979. – 216 с.
7. Умеров Э. Ёылдызларгъа догъру / Э. Умеров. – Ташкент: Эдебият ве санъат нешрияты, 1983. – 280 с.
8. Эмиров Иззет. Икяелер / И. Эмиров // Ягъ, ягъ ягъмурым. – Ташкент: Гъафур Гъулямадына эдебият ве санат нешрияты, 1986. – С. 78 – 99.

Аджимамбетова Г. Ш. Роль говору в крымскотатарских пропозициях / Г. Ш. Аджимамбетова // Вчені записки Таврійського національного університету імені В. І. Вернадського. Серія «Філологія. Соціальні комунікації». – 2013. – Т. 26 (65), № 1, ч. 1. – С. 49–55.

Синтаксичні функції прислівника витікають з його семантики. У пропозиції адверби вступають в залежний зв'язок з дієсловом і ім'ям прикметником. Поєднуючись з дієсловом, вони виконують функції: а) різних обставинних членів речення, б) пріглагольного визначення. У поєднанні з прикметниками роль члена речення в прислівника значно слабкіша, тому воно не є окремим членом речення, а служить для посилення або ослабіння значення.

У синтаксичному плані крымскотатарський прислівник характеризується тим, що їх головна синтаксична функція – обставина (часу, місця, мети, причини, образу дії, міри і міри). Крім того, вони можуть виступати і в ролі інших членів речення, зокрема в ролі визначення, доповнення, у складі присудка. Обставини образу дії часто виражаються говором дії, серед яких можуть бути як похідні, так і непохідний говір. З проаналізованих прикладів можна.

Характеризуючи дію в кількісному відношенні, говір в пропозиції грає роль обставини міри. Обставина місця, виражена прислівником, вказуючим на напрям до якої-небудь крапки. Темпоральні об-

ставини показують, що ознака дії пов'язана з певним моментом часу. Вони частіше пояснюють дієслівний присудок, оскільки тимчасові характеристики складають граматичне значення дієслова, але можуть відноситися і до іменного присудка.

Обставини, що характеризують дію з точки зору цілеспрямованості, можуть бути виражені прислівником мети. Прислівник причини в пропозиції є обставинами причини, підкреслюючи підставу, через яку протікає або відбувається дія.

Ключові слова: тюркські мови, кримськотатарська мова, прислівник, лексико-граматичні особливості, члени речення, синтаксичні функції.

Adzhimambetova G. Sh. Syntactical peculiarities of adverbs in the Crimean Tatar language / G. Sh. Adzhimambetova // Scientific Notes of Taurida V. I. Vernadsky National University. – Series: Philology. Social communications. – 2013. – Vol. 26 (65), No 1, part 1. – P. 49–55.

The syntactic functions of adverbs follow from its semantics. In the sentence adverbs come into dependent connection with the verb and adjective. Combining with a verb, they execute functions: a) of different adverbial sentence parts, b) of adverbial attribute. In combination with adjectives the role of the sentence part at an adverb is considerably weaker; therefore it is not separate part of sentence, and serves for strengthening or weakening of the attribute's value.

In a syntactic plan crimeantatar adverbs are characterized that their main syntactic function is an adverbial modifier (of time, of place, of aim, of reason, of character of action, of measure and degree). Moreover, they can also act as other sentence parts, in particular as the attribute, the object, in the predicate.

The adverbial modifier of character of action often expressed by the adverb of action, among that there can be both derivative and non-derivative adverbs. It is possible to make conclusion from the analyzed examples, that derivative adverbs are more often used in the function of the adverbial modifier of character of action, than non-derivative.

Characterizing an action in quantitative relations, adverbs act in sentences the role of adverbial modifier of measure. The adverbial modifier of place, expressed by the adverb, indicates the direction to a point.

The adverbial modifier of time shows that the sign of action is related to the certain moment of time. They explain a verbal predicate more often, because temporal descriptions make the grammatical value of verb, but can belong to the nominal predicate too.

The adverbial modifier, characterizing an action from the point of view of purposefulness, can be expressed by the adverb of aim.

The adverbs of reason in sentence are the adverbial modifiers of reason, underlining founding by effect of that an action takes place.

The keywords: the Turkic languages, the crimeantatar language, the adverb, the lexical-grammatical features, the sentence parts, the syntactic functions.

Поступила в редакцію 01.03.2013 г.